

武陵縣志卷二十

名宦

統轄

漢

馬援字文淵扶風茂陵人建武二十四年遣武威將軍劉尚擊武陵蠻夷深入軍沒援因請行帝愍其老未許援曰臣尚能披甲上馬帝令試之援據鞍顧盼以示可用帝笑曰矍鑠哉是翁也遂遣援率中郎將馬武耿舒劉匡孫永等征五溪明年春軍至臨鄉遇賊攻縣援迎擊破之斬獲二千餘人皆散走三月進營壺頭賊乘高守隘水疾船不得上會暑甚士卒多疫死援亦中

武陵縣志

卷二十

病遂困乃穿岩爲室以避炎氣帝乃使虎賁中郎將梁松乘驛責問援代監軍初援在交趾常餽意以實用能輕身省愆以勝瘴氣援欲以爲種軍還載之一車及卒後有上書譖之者以爲前所載還皆明珠文犀援妻子詣闕請罪帝出松書示之方知所坐建初三年追謚忠城侯

馬武字子張南陽湖陽人建武二十五年以中郎將將兵擊武陵蠻夷

宋均字叔庠南陽安眾人武陵蠻反圍武威將軍劉尚詔均乘傳發江夏奔命三千人往救之既至而尚已沒會馬援至詔因令均監軍與諸將俱進賊拒扼不前及援卒於師軍士多溫濕疾

病死者大半乃與諸將議曰今道遠士病不可以戰欲權承制降之何如諸將皆伏地莫敢應均曰夫忠臣出境有可以安國家專之可也乃矯制調伏波司馬呂种守沅陵長命种奉詔書入虜營告以恩信因勒兵隨其後蠻夷震怖即共斬其大帥而降均入賊營散其眾遣歸本郡為置長吏而還均未至先自劾矯制之罪光武嘉其功迎賜以金帛

馮緄字鴻卿巴郡宕渠人延熹五年長沙蠻寇益陽零陵賊應之武陵蠻夷悉反寇掠江陵間拜緄為車騎將軍將兵十餘萬討之至長沙賊聞悉詣營道乞降進擊武陵蠻夷斬首四千餘級受降十萬餘人荊州平定詔賜錢一億固辭不受

按馬伏波以下四人皆屬

武陵縣志

卷二十

二

征行與郡宦無涉然列祀名宦已久故載之

晉

應詹字思遠汝南南頓人督南平天門武陵三郡軍事時政令不一諸蠻謀叛詹召蠻酋破銅券與盟由是懷服數郡無虞後天下大亂詹境獨全

五代周

周行逢

見列傳

宋

李綱字伯紀邵武人政和二年進士第紹興二年除觀文殿學士湖廣宣撫使兼知潭州時荆湖江湘之間流民潰卒羣聚為盜

賊多者數萬人綱悉蕩平之上言荆湖國之上流其地數千里諸葛亮謂之用武之國如鼎澧鄂岳若荆南一帶皆當屯宿重兵倚爲形勢

岳飛字鵬舉湯陰人紹興二年知潭州兼權荆湖東路安撫都總管又除荆湖南北襄陽路置制使神武後軍都統制命招捕楊么賊寧黃佐曰岳節使號令如山若與之戰萬無生理不如往降時張浚以都督軍事至潭飛袖小圖示浚浚欲俟來年議之飛曰已有定畫八日之內當俘諸酋遂如鼎州黃佐招楊欽來降飛喜曰楊欽驍悍旣降賊腹心潰矣表授欽武義大夫禮遇甚厚乃復遣歸湖中兩日欽說余端劉銑等降飛詭罵曰賊不

武陵縣志

卷二十

三

盡降何來也杖之復令入湖是夜掩賊營降其眾數萬么負固不服方浮舟湖中以輪激水其行如飛旁置撞竿官舟迎之輒碎飛伐君山木爲巨筏塞諸港汊又以腐木亂草浮上流而下擇水淺處遣善罵者挑之且行且罵賊怒來追則草木壅積舟輪礙不能行飛急遣兵擊之賊奔港口爲筏所拒官兵乘筏張牛革以蔽矢石舉巨木撞其舟舟盡壞楊么投水中牛臯斬之飛入賊壘餘酋驚曰何神也俱降飛親行諸砦撫慰之縱老弱歸田籍少壯爲軍果八日而平張浚嘆曰岳侯神算也

元

蘇天爵字伯修至順二年擢江南行台監察御史明年慮囚於湖

北湖北地僻遠民獠所雜居天爵冒瘴毒遍歷其地每事必究
心雖盛暑猶夜篝燈治文書無倦常德民盧甲莫乙同出傭而
甲誤墮水死甲有弟爲僧者欲私甲妻不得訴甲妻與乙通而
殺其夫乙不能明遂誣服八年不決天爵至爲辨其冤釋之

哈喇延祐間拜郡監以民艱輸運浚北門外便河至潛水橋約十
五里郡人謠曰哈喇開便河恩多怨亦多百年千載後恩在怨

消磨

知府 佐貳師儒附

後漢

李進爲武陵太守永和九年冬澧中蠻爭貢布非舊約舉種

武陵縣志

卷二十

四

叛明年寇夷道遣進討破之斬首數百級餘皆降服進乃簡選
良吏得其情進在郡九年梁太后臨朝詔增秩二千石賜錢二
十萬

應奉字世叔父桄爲武陵太守生奉少聰明自爲兒童及長凡所
經歷莫不暗記讀書五行並下嘗爲郡決曹史行部二十四縣
錄囚徒數百千人及還太守備問奉口說罪繫姓名坐狀輕重
無所遺脫時人奇之會武陵蠻合詹山等少拜奉一等拜武
陵太守到官慰納山等悉降散延熹中蠻復寇亂荆州車騎將
軍馮緄以奉有威恩爲蠻所服上請與俱徵拜從事中郎奉勤
設方畧賊破軍罷緄推功於奉薦爲司隸校尉

陳奉延熹中遷武陵太守武陵蠻攻郡奉率吏人擊破之斬首三千餘級降者三千餘人

陸康字季康光和元年遷武陵太守轉守桂陽樂安二郡所在稱之時靈帝欲鑄銅人詔調民田畝斂十錢康上疏曰什一而稅周謂之徹魯宣稅畝而蠲災自生哀公增賦而孔子非之豈有聚奪民物以營無用之銅人捐捨聖戒有蹈亡王之法書奏內倖因此譖康徵詣廷尉免歸

三國

黃蓋字公覆拜武鋒中郎將會武陵蠻寇亂乃以蓋領太守時郡兵才五百人自以不敵因開城門賊半入乃擊之斬首數百餘

武陵縣志

卷二十

五

潰走蓋誅討魁帥附從者赦之郡境遂清

鍾離牧字子幹會稽山陰人永安六年蜀併於魏武陵五溪夷與蜀接界時論懼其叛亂乃以牧爲平魏將軍領武陵太守往之郡魏遣郭純屯於赤沙進攻酉陽郡中震懼牧問朝吏曰西蜀傾覆邊境見侵何以禦之皆對曰可遣恩信吏宣教慰勞牧曰不然外境內侵誑誘人民當及其根底未深而撲取之此救火貴速之勢也卽率所領晨夜進道緣山險行垂二千里從塞上斬魁帥百餘人及其支黨凡千餘級純等散五溪平

六朝

蕭巖高帝第二子仕宋爲尙書左戶郎錢塘令後爲武陵內史時

蠻部大亂抄掠至都城下疑遣隊主張英兒擊破之

劉悛字士操遷武陵內史郡南江古堤久廢不緝悛修治未畢而江水忽至百姓棄役奔走悛親率勵之乃竣工明帝崩表求奔赴吏民送者數千人悛人人執手係以涕泣百姓感之

張緬爲武陵太守在郡所得俸祿不敢用並供其母賑遺親屬一朝隨盡緬私常鬻然如貧素者

隋

喬南陀拜朗州刺史修純紀陂民享其利

唐

胡處立爲朗州刺史軫念民困開永泰渠以通漕郡人便之

武陵縣志

卷二十

六

李璿拜朗州刺史注意農事修古尊陂溉田又修永泰渠可灌千餘頃因名曰潤禾堰

崔嗣業拜朗州刺史開津石陂及槎陂又以放鶴陂爲豪家所併清而復之因名崔陂

韋夏卿爲朗州刺史復治槎陂

李翱字習之中進士第拜朗州刺史嘗開浚故漢樊陂灌田千一百頃因名考功堰又修津石陂以終崔嗣業之功

溫造字簡與爲朗州刺史開後鄉渠百里溉田二千頃民獲其利號右史渠召授侍御史

劉禹錫字夢得擢進士第登博學宏詞科拜監察御史因交王叔

文斥朗州司馬州接夜郎諸夷風俗陋甚家喜巫鬼每祠歌竹
鼓吹斐回其聲僉備禹錫謂屈原居沅湘間作九歌使楚人
以迎送神乃倚其聲作竹枝詞十餘篇於是武陵夷俚悉歌之
宰相袁其才名還按禹錫竹枝詞自序言屈原居湘中作九歌
余亦作竹枝九篇乃其刺夔州時所作也故
詞中如白帝城邊春草生白鹽山下蜀江清
篔簹西春水殺紋生
城西門前灩澦堆等句實言蜀中地名無一語及武陵者其非
在朗州所作無疑

宋

薛居正字子平湖湘初平以居正刺朗州會亡卒數千人聚山澤
爲盜監使疑城中僧千餘人皆其黨欲盡捕誅之居正以計緩
其事因率眾剪滅羣寇擒賊帥汪端訊之僧皆不預

武陵縣志

卷二十

七

張鑑字德明擢進士第咸平初移知朗州時溪洞羣蠻數寇擾鑑
召酋豪諭以恩信皆俯伏聽命

程昌胤高宗時知鼎州兼鼎澧鎮撫使湖賊楊么來攻境內騷動
昌胤傳檄二州以蔡兵禦之賊勢稍卻人始帖席後爲立廟曰
忠祐

凌景夏字季文知鼎州奏放免程景寓所增蔡州兵衣糧六萬四
千餘緡

王銖知鼎州言沿邊城砦之官餼廩旣薄給不以時孤寒小吏從
而徇私受賄弓手士軍戍卒傭值糧食累月不支迫於饑寒侵
漁蠻獠往往激變乞嚴勅州軍按月廩給如其未支守倅卽不

得先請已俸俾城砦官兵有以存濟安邊彌盜莫良於此

李燾字仁甫唐宗室曹王之後出知鼎州初正和末澧沅辰靖四州置營田刀弩手募人開邊范世雄等附會擾民建炎罷之乾道間有建請復置者燾前爲湖北轉運副使奏不當復已而提刑尹機迫郡縣行之田不能給燾至是又申言之請度田立額且約帥臣張斌列奏詔從之境多茶園異時禁切商賈率至交兵燾曰官捕茶賊豈禁茶商聽其自如訖無警累

劉邦翰知鼎州言江北之民困於酒坊至貧之家不捐萬錢不能舉一吉凶之禮乃檢乾道重修勅令申嚴抑賣之禁

趙善佐字佑卿知府事干請無所應受學張敬夫又從朱晦翁遊

武陵縣志

卷二十

八

著易疑問答

曹彥約字簡甫嘗從晦翁講學知府事陞辭言下情未通橫歛未草帝曰其病安在對曰臺諫專言人主不及時政下情安得通苞苴公行於都城則州縣橫歛無可疑者卒以華文閣學士致仕

袁申儒知府事以江南籍沒田一區爲貢士庄凡貢士過省者取給之親爲記石

桂萬榮以朝散大夫直寶章閣知府事盡心獄事纂案陰比事編

孔延之字長源

通志作新喻人

先聖四十六世孫爲荆湖北轉運使罷荆

湘戍寨十餘所鼎州得免徭役

張運字南仲通判鼎州時賊楊么黃誠擁眾數萬殘破城邑高宗遣岳飛將兵擊之賊率輕銳徑趨武溪以臨鼎州運與太守程昌寓勒兵登城控扼上下以張其勢賊宵潰澧賊雷德進柵險稱亂帥檄運討之運將都統梁吉等直搗其巢破四十二柵降其眾

王樞字政榮為鼎州丞會茶寇騷擾道路不通有欲焚山絕茶或官自便賣者樞建議為長短引以便負販

周必大字子充嘗判鼎州為政務大體

按宋史周必大傳紹熙初為何澹所劾除觀文殿學士判潭州無判鼎州之文今郡陽山德山俱有平園詩德山寺詩在乾明寺後詩題紹熙王子重陽日是平園固嘗至鼎州也

郭份新淦人用轉運使黃鈞等薦命通判常德軍時靖獠千紀王

武陵縣志

卷二十

九

師討之份主督運山行旣艱而水道經若水寨遡流百餘里尤險惡漕幾不通份命輕裝淺舟水陸並進軍用不乏師還第功擢守興國軍嘗因賜對建言常德當夷獠出沒之衝比年復有茶寇之警屯兵才二百人不足以彈壓湖北一道北破邊南控溪峒城壁皆不治非所以備不虞請以荆鄂下人戍常德而諸郡城惡者亟治之

魏了翁字邛父以集英殿修撰知常德府越二日諫議大夫朱端常遂劾了翁詔降靖州居住湖湘士不遠千里負書從學

蔡元定字季通師事朱子嘗刊朱子手書說卦三節入碑於常德

府學明倫堂東壁

按舊學校志明倫堂東壁刊朱子書說卦傳謂元定為常德教授時所刊者考宋史本傳

無教授常德之文然朱子此書學校多有摹刻之者皆謂元定刻於常德府學疑別有據史失載也

林文仲字次章任鼎州司法刺史李憲以職守靖其薦于朝時權奸用事文仲曰吾甯不得好官終不少屈

尹穀字耕叟為常德府推官廉正有聲不為勢要所屈

張斛字德容仕宋為武陵守金初理索北歸官秘書省著作郎取秘閣法帖合漚絳臨江汝海諸帖刻之石以廣其傳

元

李秉彝字仲常由湖州總管徙常德種柑橘五百株以代民貢歲歉不俟命開倉救饑者邑人立碑頌遺愛

太守考宋史無秉彝或誤以元為宋也

按通志引宋史載李秉彝常德人為本府

武陵縣志

卷二十

別的因蠻部人至元十六年進甯威將軍常德路副達魯花赤會

同知李明秀作亂請以單騎往招之直抵賊壘諭使自新明秀素異別的遂與俱來別的因聞于朝明秀伏誅賊遂平

倪德政字正之以常德路總管兼尹府事時省司命造戰艦三百餘艘運餉十餘萬斛於中灤德政以皆郡家事且省府有材委官吏輦材於產所造舟如數而私雇賈人巨艘以運餉事集而人不告勞後去郡人立遺愛碑以誌之

附丁易東遺愛碑記惠愛碑者常武為總管府

尹倪公而建也公六年於此民受其惠物被其愛此碑之所以名也公之志平民民亦不忘乎公此碑之所出建也常武初入職貢民心未安畏死不眠丙子公來揭十四條雖行赦書德意公敢以諭民非有他也若曰民方畏死吾示以生吾非得已吾惟爾之惠耳明年鄰郡有警公適白事省府民心又恐郡僚方俾百姓登城守公歸知事不足慮亟命罷之若曰民方畏勞

吾使之佚吾非要譽吾惟爾之惠耳未幾省府下郡戰艦三百餘艘復俾運餉十餘萬斛於中饒公念其皆郡家事且省府有材募舟征費何苦民爲哉委官吏輩材於所產之地造舟如其數不設一民委官吏確募巨賈之艘運米如其數亦不從一民公若曰民方苦役且憚遠涉吾自用公家之財吾非矜能吾惟爾之惠耳公處置有方便民如計其愛人利物信不虛矣至若察眾心所惡則不忠之徒因事而逐去之非爲慢己也天下之惡一也從眾心所好則稱孝之民雖賤而亦旌之非爲譽己也天下之善一也凡皆天理民彝不可泯者公之心固人心耳他如捐餘貲修孔廟修永惠等祠以登動邦人耳目者又特其眾著者己且士者公議之所自出公間觀其士之窮且貧者則周之於是士悅而歌於塾民者謳頌之所自出公間視其民之飢且凍者則賑之於是民悅而歌於衢士與民胥悅矣明道先生曰一命之士苟存心於愛物於人必有所濟况公之惠愛於民者溥茲敢以或忘乎已卯辛巳八月公家尙留郡癸未春代者李公仲常常士民旣碑之公雖尙像於學歷年於茲便民之事不一顧末之紀焉可乎乃合辭於郡士黃必大請記於僕僕以拙直辭請益堅自念公造舟運餉二事不擾於民吾邦受賜之大者且欲因公以示後來成式輒不揣荒陋竟爲之後有仁且智者觀吾碑因其所已書察其所未書則知公矣公名德政

武陵縣志

卷二十

十一

字正之勳人號鳳山嘗僉廉樞密院事丙子春以安撫使臨吾郡丁丑易安撫司爲總管府公以嘉議大夫爲之長戊寅秋以總管兼尹事始終於郡跨六年且將定居吾郡與邦人相安如此是秋公以書來知公以上命爲兩淮都轉運使旣禮上矣公之子顯將奉母之難揚士民攀轅臥轍莫能留欲紀惠愛於茲石若夫六年之間相與通下情遂公愛人利物之心則是公之子與其外弟高裕有力云

明

馬汝舟本邑人元末兵起練鄉兵以爲衛入明知天命有歸率眾歸附時總兵徐丞相就令掌管府事汝舟一意爲民興利相地勢築坡堰千餘所以瀦水又列樹表道每循行阡陌見農桑之美者必親加獎勞去任民歌詠之

張子俊字傑夫知府事興學校延師選民間髦又教育之興行

飲酒禮致敬者年以勵風化人作燕賢詩序美之

應履平知府事郡舊例賦麥爲稅履平以非土產請易以米郡人稱便尤加意學校文教蔚興以政最陞雲南布政使

朱縉以監察御史知府事嘗損祿稍代貧民輸逋賦以疾終於官郡人如失慈母爲罷市聚哭之

孫確知府事凡案牘涉目卽洞其奸弊人不能欺

楊宣知府事時公廨學校久圯宣葺治一新尤勤於課士文義高下每揭榜以勵之纂輯郡志成書若干卷

王績初授行人知府事歲大旱躬禱羣望既走烈日中不應乃禱縣北之龍門洞洞幽邃莫測績縋而下直達其處取水還頃乃

武陵縣志

卷二十

三

大雨士民感悅以考滿卒於途橐無餘資家屬不能歸士民爭賻之

李煜字文輝初任御史以言事謫縣丞知府事置木甌於門令懇者投牒其中夜出閱之稍假寐卽起發

王瑩字汝潔由南京戶部郎中知府事其前守牒政不便民者悉爲除之在任踰年以養親乞歸

王禾字世用知府事時榮藩初就封內侍多所求索少拂意則加窘辱禾曰府庫皆財欲則取之剝民以媚人吾不能也聞知不可奪而去後陞鹽運使

馮傑字秀夫知府事訟無巨細投牒時卽加駁難不直者還斥之

人皆懾服擢四川兵備副使死流賊之難祀名宦祠

陳希文字載道出太常寺丞知府事書廉惠二字扁於後堂有投以暮金者發之於眾抵其罪遇旱及無雪有禱隨致徵應歐陽恂由南京吏部郎中知府事大水決各堤采石墊隄千餘丈民賴其利後擢鹽運使

師臯字汝明由戶部郎中知府事鋤強植懦治聲赫然調知荊州方仕字汝學知府事值歲大旱步禱德山龍潭以虎骨投龍井中雨立沛及饑移旁郡粟親莅窮鄉賑之後以常平倉久空乏令罰鍰得以粟抵行之一暮廩積四萬八百餘石後歷守大郡陞鹽運使

武陵縣志

卷二十

十三

陸邛字秀卿知府事有妖魅能爲神言聲出空中人惑之邛牒城隍神妖頓息石堧十世同居邛請旌其門

陳常道字子仲知府事直歲歉民無所得食羣聚發富室廩藏所司欲以盜論爲寬其獄

黃日敬字持簡知府事祿俸輒隨手盡不爲毫髮計留凡學校壇壝皆次第修舉

陸州字濱海知府事時朝廷鼎建三殿頌寫黔中之材部使者乘勢爲奸利州陰折其牙角屬邑賴以無苦

葉朝陽字日葵知府事下車懲奸猾之尤者數人後遂無敢爲民憲者

張師釋知府事嘗集郡中譽髦朋試第其高下而差賞之一時名

材輩出藝學蔚然

附常武課餘序師釋既刻錄考季考二卷代諸生問世邵務希濶賓從罕過官文書之暇

是天私我以餘也善惜餘者思有所以用之乃一意討論諸生之文加藻修焉或者曰官先事人與事相隨也天下無無事之人安得有無事之官謝一切鞅掌佔嚙伊唔作老博士匡坐讀書乎哉夫簿領非能俗人有厭怠簿領之心即俗人也文字非能韻人有攀援文字之心即非韻人也予口末拂扶桑即坐堂皇延見吏民問疾苦條對當路檄下所司各有緒日可隅中乃稍憩熙熙如也亭午升散畧如初儀日未入虞淵而歸息乎齋于于如也此一餘也是子問適行散之時也以吾間適行散之時作他山之石攻諸生之玉疏其滯擊其蒙拔其尤商確其所未至一室之中如進逢掖與聖賢對語無非事者無當使人謂教者政之餘也文者行之餘也學者仕之餘也童子者諸生之餘也月試私試者春秋二試之餘也不亦善乎集初欲名之序錄蓋造士之法莫備夏商夏名詳載孟氏周人養老后教民士猶之未在鍾鱸間也殷序習射則賓之矣今之歌鹿鳴稱賓興焉決拾飲而弓矢調射夫周而四綏樹觀者如堵牆中儒者日無無無傲此則士之事也射必有志志在於鵠精先鏃往全

武陵縣志

卷二十

十四

力赴之荆楚人漂急膽決而氣剛夫急則耳目易變剛則勇往直前讀吾課餘或張之侯矣其必有動也夫

程景頤為府推官郡有疑獄多委覆讞嘗活死刑四人民德之立

祠清泥灣

陳之龍字去亢任推官嘗辨死獄既成者二

錢夢松字長齡為郡司馬

先是郡人有萬松者為龍游令有德政人戶視之一夕錢氏夢松至其家遂生子名曰夢松其後為常德

司馬至松家能悉其故居時修築園堤親操版築邑人立祠堤

上祀之

朱裕任府通判狷介有守以私于者輒拒之任讞上官之獄峻却

其賂為解其事而歸陞九江府同知

鄔鼎龍任府通判嘗主推稅免踰額橫征甘詘額毋屬商遠商

至以其風也亟謝去旋兼攝郡邑篆尤以吏能顯

蔡悉字士備為王守仁再傳弟子任府推官築郭外六堤以免水

患累官至南京尚寶卿

朱國柱任府同知獻賊破城朝服再拜不屈死諡節愍

蔣道亨任府授賊陷城抗節不屈死諡烈愍

國朝

劉舜濬知府事值亂後出私財贖軍中所掠子女遣歸其家民多

肖像祠之及解組後貧乏無以為歸隱武陵山中著有竹香亭

詩集

胡向華字光岳知府事時值明季亂後井墜蕩然向華招集流徙

武陵縣志

卷二十

五

使復業已乃治公署創學舍增修城樓及沿江堤垸又延邑人

賀奇纂修郡志有文獻甚大

王許字納言知府事勤於其職一以民事為急歲旱露禱逮饑禁

不得抑米價陰偵旁郡閉糶者重懲之適提督他往倉卒兵噪

許坐臨沅門鎮之譟者悉解散事後止誅首禍者龍陽大圍堤

久潰隄之可三十萬丈泣任七年解組去士民籲請留之

王葉滋知府事郡邑連被潦先後請帑增築花貓新陂各隄堰

宿郎堰潰詳請豁免額糧三百餘兩民德之尋擢辰沅道

董思恭知府事明而不察仁恕而有容公餘輒招多士講論文史

兼訪郡中利病終日語不及私其時邑尹為翁運標思恭特加

敬禮以名行相砥礪德山孤峯頂俯臨沅水爲郡中勝地因倡
建書院其上不久圯移造城內火星池旁更名朗江其基卽思
恭作守時尊亭會課處

應先烈宜黃人署府事凡有廢墜靡不興舉尤刻期卽辦郡故有
試院湫隘逼城闔爲徙建爽塏地制視昔加侈郡學久淪於圯
特崇新之南城火以品服投其中反風而滅遂戒民儲水具爲
保伍相赴援並建水星樓以壓其災郡鮮火患又建堂以哺棄
嬰豐廩餼以贍肄業於講院者皆置數千金爲舉本悉哀奉金
爲之勤於造士於知名士尤加禮特聘邑入陳楷禮孝廉纂修
郡乘未幾薦循良第一擢貴州安順府知府去之日遮道設餞

武陵縣志

卷二十

十六

名途相次如魚鱗至數十里不絕後以勞勩卒於官祀名宦祠
景星字曜垣知府事值粵寇穴湖湘四出侵暴所在名城莫保適
大雨潦東北其風寇以舟師奄至常郡兵吏望風走星策一騎
出訶賊遇賊于衢轉而之于狹巷巷民闔門星奪門入取帶自
經死時從者羅生卷星所委髮三結之比賊退覓星尸得諸西
城下驗所卷髮確親以帛襲而檢之

知縣

佐貳師儒附

宋

劉龜年字且老淳熙間知縣事時田多荒蕪冒耕者眾其健者與
吏爲一侵漁訴訟展轉不止龜年推究本始予奪之訟爲少息

邑有潘仙翁淫祠人咸惑焉龜年罪其首倡者邑中賦役不均十年無所升降龜年爲改造版籍民無異詞部使者以治行聞詔注名中書以不肯謁時相歸

林夢英字叔虎同郡陸象山年相若折節師事之登淳熙進士歷官衡州法曹改知武陵武陵舊無學夢英創立之嘗誨諸生日今之士涉獵以爲博組繒以爲工不知治心非學也聞者感發官終秘書丞時人稱房山先生

唐介字子方父拱卒漳州州人知其貧合錢以贖介年尙幼謝不取擢第爲武陵尉有德政入爲御史抗言不避梅堯臣李師中皆賦詩美之由是直聲動天下邑人以三閭大夫馬伏波岳武

武陵縣志

卷二十

十七

穆及子方共祀之

張瑄字子律任武陵縣丞兩攝縣事值大水犯縣城不沒者三版門不得闔水且入城瑄亟命賁士於布囊以窒門俄而水定乃募舟親載粟戶給之泥行露宿無所憚蠲豁賦輸一切以實吏不得一搖手民忘其災縣三閭港从弗泊遇旱數枯瑄爲築之訖事更治他陂無遺利焉

明

燕喜知縣事縣多豪猾悉以事持官短長喜捕其尤者置之法皆斂跡

潘旭知縣事縣有疑獄歷年不決旭廉得其實立決之

徐必敦知縣事明習吏事以次摘發諸舞文者猾吏多敗他業去
縣以稱治

劉纓新淦人成化間知縣事莅任六月多惠政擢監察御史

應能知縣事聽覽如流庭無宿牘時初建藩邸能先事經畫民不
知擾費宮年久不葺弊甚能新之並纂集縣志成書九載秩滿
百姓詣闕請留詔增俸二級仍管縣事後陞蘇州府通判

洪有復知縣事值萬曆九年清丈之舉編造由里鱗冊立一條鞭
法民立生祠祀之

黨應秋崇正末知縣事獻賊陷常舉家殉節士民醵金以檢祀之
縣南里七橋松梵菴中後遂名爲黨家菴

武陵縣志

卷二十

六

馬升階知縣事勤恤民隱更定戶籍杜飛詭挪移之弊民爲立祠
東門外後祀名宦

熊永昌任教諭購書儲之黌宮日進諸生陳說經史疑義皆駁駁
向學

左瑛任教諭拔諸士之尤者課之爲梓其文名朗溪同人集

祝傑任訓導選時習編以厲士後擢監察御史

國朝

李爲觀字瞻航知縣事時鼎革未久爲觀拊循凋瘵民慶更生後
值大軍進勦滇黔以乏軍興被議繫獄久之始得釋後留寓武
陵賣字爲活人得片楮隻字以爲寶

勞成銑字景曾知縣事值花貓隄潰悉力修築亘十餘里深廣堅
緻倍於前而費半之故縣治逼城闔卜遷神鼎門右改故治爲
書院復建常平倉及青陽閣等處義倉以備荒歉先是勦吳逆
額夫不足則增派里夫及蕩平後猶未改設銑詳革增派民甚
便之至今以勞公翁公並稱附勞啟銑詳革里下派夫立站記
驛遞排馬夫役例照數僱募工食
應按額設支給自逆變以來差使絡繹額設排夫應用不足於
是派之各里備銀僱覓往往半路逃亡從前諸令乃有派夫上
站之舉以爲夫出土者卽有名籍逃亡者可以按籍而拘不敷
者可以照糧而派迨相沿既久科斂橫加甚至每糧一石派至
一二錢不等而額設工食銀各里棍蠹其半夫頭胥役侵其半
往來之提差又侵其半在官雖被季給發而各夫有支給之名
無支領之實敢銑自蒞任以來特將每驛額設排夫銀五百六
十七兩自行僱夫上站答應差遣每驛夫八十名照數僱覓按
名月給工價毫不派累鄉村以免擾
害或亦變而仍歸於正者歟是爲記

武陵縣志

卷二十

十九

翁運標字蓼野知縣事時時出郊外察民疾苦勞問如家人其聽
訟也弛鞭笞不用惟以義理開曉之有兄弟爭田者親爲履勘
忽自掩涕訟者驚問故曰吾初官桐栢時吾與兄日相偕及來
武陵吾兄已下世矣今見汝兄弟偶思吾兄是以悲耳語未終
訟者亦感泣願以產相讓康鄧二族爭湖塢之利數十年獄不
解一日至其地集二姓曉譬再三終不服會大雨二姓請少避
曰汝輩爲此區區世罹重辟不恤予尙何愛此身爲二姓咸頌
首日謹唯命自後各守所畫界無少爭邑東長樂村沿江亘
隄舊築石爲櫃敵其衝水勢稍殺年久櫃傾邑民深患之
而南爲善德山明董其昌督學時曾建浮圖其上久亦

形家言者以為病邑向未有書院運標每課士輒僦寺觀設講
幄用輦願者久之于是大集邑人士謀興創不數月俱次第告
成歲甲子十月不雨至明年四月田皆龜拆無一播種者運標
設壇顛禱日跪烈日中面黧黑無人色膝為皸疥觀者憇其少
休堅不肯凡七日不雨聞邑西北有龍門洞旱禱輒應乃自易
草笠芒屨窮晝夜至其地洞邃而口狹縋之入以餅貯水炷香
步拜而歸沿途老幼走相接向之哭運標亦哭行距壇十餘里
黑雲滂然興及至壇捧水供其上須臾大雨如注運標久跪雨
中不肯起是歲大熟邑人繪龍門禱雨圖系之詩歌紀其事治
武陵五年督撫稔其賢交章薦擢道州知州去之日送者填塞

武陵縣志

卷二十

三

衢巷輿不得前其牽衣泣者跪持足慟者相續於道至道州未

久卒崇祀名宦祠

附錄朱景英翁夢野尋親記先生之尊人大

鵬生二子長運槐字楫山次即先生女二一適某氏一適鵬氏
皆先生姊也康熙壬申歲大環公有粵西恭城之行同行者鵬
夫人兄恭城令君之孥十二月初五日經永州之新塘站入夜
忽失所在同舟求之不可得即馳報其家鵬夫人勸極日是役
君初不欲行願迫不獲已瀕行舉帷視二子成立責在若今釋之皆
顧之太息揮淚囑曰若勿復念我二子成立責在若今釋之皆
不祥語矣乃遣僕之粵西明年恭城君卒於粵公子扶喪歸途
經新塘站為泊舟榜公貌畧里居姓氏與相失之日訪數日
不得還報鵬夫人勸不欲生既又卜兆於神得籤曰扁舟風雨
泪江干兄弟相看夢寐間已分天涯成死別誰知意外得生還
三卜而三兆焉是時楫山方九歲先生才三歲夫人迺抱以
泣於庭曰兒他日能尋父歸來乎領之乃喜踰三年鵬夫人又
質恨以沒先生尚在童穉中無所依乃撫於叔父家而楫山則
備於人以食顧先生少不慧以事失從母歡屢撻之終不敢忤
他日過姊家姊見先生左臂有創痕亟叩乃告之故姊抱之泣
呼其兄至曰叔孀有不終畜弟意曷不請以歸楫山如姊言叔

果還之於是錢百數十畀先生命販蔬果鬻於市日擔以出
多受市兒給其蔬果屢爲人竊去每暮歸兄籌其數輒拆其強
半兄悲且泣曰我傭安能食汝汝若是何以生先生以願就學
請兄喜甚乃出所得傭金爲館師費二姊氏送飯之以資其學
是歲爲康熙戊子先生十九年矣自是力於學凡三年出應
有司試輒冠其曹補博士弟子以能文名兩浙顧念失父久兄
弟時相對哭徧訪昔之同往粵西者終無指實而其伯姊則猶
記父舟次新塘一詩其末云霜濃古寺鐘開處一點空明透佛
燈相與細釋其詞義疑以爲逃緇黃間也且卜於神仍得前兆
碑山遂入楚以求之數類於危困逆旅中遇同里賈客扶之歸
思再出爲姊氏泣留乃止既而先生學益進掛山亦經營稍稍
有生計兄弟先後受室庚子楫山舉一子雍正癸卯先生舉於
鄉成進士遂歸與兄商所以尋親者擬寄其帑於姊家會邑苦
潦不果行甲辰冬兄弟密自部署乙巳春二月先生舉一子才
三日竟偕兄去之楚過歷湖南北一肩僕被刺足萬山凡琳宮
梵宇廢觀叢祠必窮極險隘時刺臂出血作嘔號於神無所得
則又相持慟哭由是而又之粵又之豫草其餐處於風雪頓路
於道路狂驚之所驚餐宿之所嘗蓋雜一二數閱兩歲兄若弟
或分或合皆無所遇丙午十一月兄弟會於全州之湘山寺明
年丁未正月製一小舟榜其楫日浙東餘姚翁某兄弟尋父之

武陵縣志

卷二十

三

船往返於衡永間者又半載餘八月泊舟祁陽之白沙洲有老
人鄭海還詣江干告之曰孝子爾欲生逢爾父余不敢知非然
則瘞於洲者良是先生愕然叩其由則言去洲二十里爲余所
居烏窩初余有弟海生婦於壬申十一月初七日產子走報其
婦家渡江弱而格於敗葦得出視葦中有僵死者歸語余往同
視之乃出僵者於葦表裏衣繪纒而哲因擇阜而瘞之明年聞
有蹤跡之者余讀其榜而省將往告里老以榜求生人而指死
者以應恐干其誥共尼之余乃返嗣是三十餘年更無有道其
事者今海生已前歿余老矣聞孝子之訪諸道路也人皆哀之
余忍不以告海還所言出弱日去泊新塘才二日海生所生子
日如升今現存年甲可證也先生因至其家問當時情事而海
生婦尙在其言瘞公時尙拾得雜佩數事今惟一輪存出脈之
齒屈曲不類常輪亟募善走者賈以證諸伯姊姊見輪動曰是
也當日歸我遺篋失其輪以他物敗是以得新塘站之詩聞二
月攜鎮還報壯壯胎合先生始知其父之逝於新塘而葬於是
洲也且以鄭氏兄弟之名合之瘞者海生告者海還生還之識
驗亦巧矣於是啟其墓以指血益信遂易楮而封焉厥後乾
隆丙寅先生官武陵時楫山歿已久楫山之子會與往營祠於
墓前額曰永思顏其庭曰啟鑰買田如干畝畀鄭氏世收其租
以守墓是時海還尙無恙迎致署中事之惟謹居數月厚遺以

歸此先生尋
親之顛末也

沈華知縣事嘗辨誣獄出論死者七人卒後邑人請祀名宦

李際隆知縣事口吃而明達長於折獄發摘奸伏人稱神明同郡
守雷暢興建朗江書院士林德之

尹德裕知縣事時縣多水賊潛穴太湖中跡得其出沒案捕之盜
遂屏息

王永芳知縣事縣城南臨沅半邊街瀕江水勢尤急一遇潰決梁
山以南悉成巨浸永芳募醵石欄至今鞏固

張繼辛知縣事初至案牘山積日立程限如理家事然數月後訟
庭鮮人跡時濱湖復多水賊用耳目跡捕之每發輒得皆相戒

武陵縣志

卷二十

三十一

遁去並興復漏澤園擇耆民主其事至今賴之

楊鵬翽字海亭知縣事爲治一本儒術甚以惠愛得民遇學人尤
有加禮暇則與講論文史並補輯郡志未成善解任去

鮑振飛知縣事才識明敏長於折獄輕重悉當其情尤痛懲夙猾
每杖而械諸市未半載政聲流聞以遷擢去民遮留數十里不

絕

許宗字蓮舫知縣事治獄明審悉得其情有窮民王世龍獨居
廟死其弟奔視檢服物無一存於村民李開名家得世龍衣

一襲紹宗捕開名訊之開名泣曰此小人衣也青而藍裏厥線
白若世龍之衣青而藍裏厥線藍請裂而質之紹宗曰世龍衣

未得爾何以知線爲藍哉然則殺世龍者爾也開名口噤詰其
贖埋叢樹下啟視宛然某冢被盜發棺上有斧痕捕者夜遇
人墟郭閒手持斧疑爲發冢盜執之一訊而伏詰其贓云久已
賣漁者陳甲矣拘陳至則一如其言紹宗謂非真盜督捕益亟
日捕遇一人挾兩筐疾走視其筐有複底啟之則藏數穢衣皆
無鈕復啟其一斧鑿在焉繫以來紹宗曰此真發塚盜哉蓋楚
俗殮衣必去鈕詰之果不誣其摘發類如此邑多水災例給予
種與民償多不如額前令以是罹法後災民援例請眾謂勿給
便紹宗曰是因噎廢食也飭吏出帑金纍纍陳堂上紹宗自操
牢盆衆驗無豪髮爽各持出越歲皆如期爭償之紹宗勤於造
士有持詩文就正者指授若師弟尤推引知名士士趨之若鶩
後以遷擢去卒於武岡喪過武陵白衣冠迎而哭者夾岸相與
留葬西關外之古原

武陵縣志

卷二十

三

廬爾秋知縣事值蛟蜃四起江漲橫溢城不沒者三版水壞秀水
斗門大通衢水深數尺閤城洶洶爾秋跣走甚雨中持餅金購
募健者囊土窒其斗門城獲全又命蒯隸輿皂駕方舟百餘艘
四出拯流漂者旋發倉粟爲糜賑之所甦全無算人感頌至今
朱元增字湘人知縣事廉介有爲自旦起治事逮暮不輟龍聲勃
興會粵賊以舟師自岳州上犯元增倉卒率所募民兵數百出
禦賊及郊皆散走元增反至署亟飲醢一隸夙德元增欲掖之

走不可死於西城下

李暄四川墊江人工制藝每借題抒旨善馳驟不可準以知法
成道光癸未進士選庶吉士散館改知縣歷知新化湘潭等縣
皆有聲尋調署常德郡丞適寇陷郡死之時縣丞秦維松亦與
於亂

武陵縣志

卷二十

駐劄武職

唐

沈如常後唐同光元年任東南第七副將在郡砌臨江石櫃以殺水勢至今賴之

宋

邵宏淵大名入寓居武陵宋高宗時鍾相作亂於湖湘宏淵將兵擒其渠魁因授鼎澧統領楊么犯郡宏淵擊敗之韓世忠薦授閤門舍人官至定遠軍節度使

明

胡汝洪武初充總制守常德時陳友諒初平汝招撫七十路頭目

武陵縣志

卷二十

又二十六

及陳友諒散軍方安堵陞指揮副使

孫德洪武初任常德衛指揮僉事初常德郡只土垣德鑿之建六門覆以串樓城制始備

吳俊景泰時任衛指揮時苗亂黎靖俊率師直抵其巢連破四十寨擒其魁餘黨悉平

陳寬成化時任衛指揮征徭洞諸蠻悉降之撫以恩意擢都指揮充廣西叅將

朱璣成化時所百戶從征靖廣屢建奇功復築堡增戍守之累遷指揮同知

夏尚忠正德時任衛指揮初為諸生有文譽喜作詩及拜世官

習弓弩屢禽洞庭劇盜貴筑安宣慰與族弟舉兵相攻尚忠
檄往諭諸蠻馱黃金數斗相遺不受爲解其事而返遷雷遊秦
將歸白首註書如諸生時

段輔正德時任衛指揮時鎮溪苗黃吉等叛輔率武岡守備王翰
大挫賊綏甯山箐間平之又燬本郡江岸城垣後擢都指揮僉
事都司掌印

丁尚將常德衛人爲衛指揮崇正時獻賊破常爲所獲不屈抱印
死

國朝

楊遇明錦州衛人順治時任常德協副將劉文秀等率兵東下遇

武陵縣志

卷二十

三

明博於險載火縱焚其舟殆盡遂大破之

鄒卓明吉水人元標孫順治初以廕授都闔洪承疇經略楚南引
致帳中咨以策州郡悉望風納欵又隨綏遠將軍蔡毓榮定滇
黔事平遂統兵鎮常德捐贖軍士所俘子女還其家年八十餘
卒

張靖保定武進士順治十四年任常德衛守備初因征滇黔所加
徵餉幾再倍靖力請裁之得減三之一又燬通衢七百餘丈費
不取之民

徐治都字字平瀋陽人康熙中任湖廣提督爲人沉毅多智計武
昌流賊夏包子爲亂將南犯岳澧治都邀擊於夏口破之未旋

師桃源流賊萬人傑復肆掠治都妻孔氏親督兵勦平之事聞授治都鎮平將軍孔氏一品夫人食提督俸治都蒞任十八年卒於官郡人立祠以祀

俞益謨廣武武進士康熙中任湖廣提督明習兵事值鎮尊紅苗負固時出劫掠上命與尙書席爾達進勦益謨由桃源經辰龍關達五寨直抵賊巢使謀者偵之知賊伏小天星寨以守斷崖峭壁高逾千尋益謨出奇兵奪其地復以礮擊大天星山寨山搖谷震賊始窮蹙乞降復猶豫不卽至益謨益設伏屢破之賊眾駭愕聽撫遂班師在常郡多所興舉郡人爲立祠祀之額倫特鑲紅旂人康熙中任湖廣提督洞曉韜鈴威行蠻獠凡所武陵縣志

卷二十

三六

施設務爲經久不撓眾議卒祀名宦

齊大勇直隸昌黎人雍正庚戌一甲武進士乾隆中授湖廣提督雅尙儒術興義學訓營籍子弟民間學者亦與焉

李勳貴州鎮遠人乾隆中任湖廣提督前營校場舊在縣學後勳至立飭移建後營將原場併歸學地後調雲南提督以征緬甸卒於干江寺中軍民哀之爲設奠遙祭

李國柱直隸天津人乾隆中任湖廣提督值大滌水府廟堤欲決國柱親爲擔土跣行泥淖中官民從之堤得不潰因具疏入告請修築各堤院至今賴之

俞金鰲天津人乾隆中任湖廣提督權奇有材武待人信訓士卒

以整營按邊防舊法以授邊吏所部肅然

劉景雲鑲黃旗人雍正中任提標後營遊擊從征貴州九股苗深入力戰盡誅其首豪患遂已後陞永順協副將

韋國英江南人雍正中任提標右營遊擊從征貴州九股苗績最著繼城步苗粟賢宇等叛國瑛奉檄征之復有斬馘功

楊有鳳陝西人武進士任常德營守備從征金川以先登功陞提標右營遊擊後以奮勇歿於陣世襲雲騎尉

